


東萊先生詩集

一

據中國國家圖書館藏宋慶
元五年黃汝嘉刻江西詩派
本影印原書版框高二十·
四釐米寬十四·七釐米



東萊詩集序

增刊

文集莫盛於唐亦莫盛於本朝唐則韓退之柳子厚本朝則歐陽文忠公實爲之冠是數公固出類拔萃巍巍乎不可尚已編次而行於世退之則李漢子厚則夢得文忠公則東坡先生或其明人或其故舊又皆與數公深相知蓋知之不深則歲月先後是非去取往往顛倒錯亂不可以傳近世張文潛秦少游之流其遺文例遭此患知與不知之異也東萊呂公居仁以詩名一世使山谷老人在其推稱宜不在陳無已下然即世多歷年所而編次者竟無人焉墨客詞人相視太息曰居仁所謂知我者希則知我者貴歟儀真沈公宗師名卿之子少卓犖有奇志方黨禁未解時不顧流俗專與元祐故家厚居仁尤知之往來酬唱最多沈公之子公雅以通家子弟從居仁稱之甚乾道初元幾就養吳郡時公雅目尚書郎擢守是邦暇日哀集居仁詩略無遺者次第歲月爲二冊通鈔板置之郡齋蓋居仁之知沈氏父子也深故公雅編次之也備幾亦受知於居仁者也公雅用是屬幾題其後竊自伏念與居仁皆生於元豐甲子又相與有連雅相好也紹興辛亥幾避地柳州居仁在

桂林是時年皆未五十居仁之詩固已獨步海內幾亦妄意^作詩居仁一日寄近詩來幾次其韻因作書請問句律居仁察我至誠教我甚至且曰和章固佳本中猶竊以爲少新意又曰詩卷熟讀治擇工夫已勝而波瀾尚未闊欲波瀾之闊須令規模宏放以涵養吾氣而後可規模既大波瀾自闊少加治擇功已倍於古矣幾受而書諸紳今三十有六年顧視少作多可愧悔既老且病無復新功而居仁之墓木拱矣觀遺文爲之絕歎因記居仁教我之言於篇末使後生知前輩相與情實如此且以見幾於居仁之言雖老不忘也乾道二年四月六日贛川曾幾題



[Faint bleed-through text from the reverse side of the page, including characters like '曾幾', '贛川', and '題']

東萊先生詩集卷第

處暑

平時遇處暑庭戶有餘涼一紀走南國炎天非故鄉
寥寥秋尚遠杳杳夜先長尚可留連否年豐秔稻香

教授鄭國材挽詞

松桂在荆棘所趨故不同雖云被剪伐所至仰清風
念子行古道簞瓢生婁空我來則已病不復能從容
平生務躬行聖處久收功堅坐想顏子欲往吾其從
丹旄忽已遠暮靄千山重論文一尊酒堅坐更誰逢

無題二首

柴門羅雀懶頻開喜有新詩到眼來聞道繫舟城
脚底莫乘溪漲便輕回

入秋多病渾無酒學道無成却讀書莫謂窮居便
寂寞天涼猶枉故人車

潘義榮惠木犀二首

年年無酒對新秋辜負涼天懶出游想得故人憐我
病故分巖桂洗窮愁

掃除炎暑脫氛埃色似菊花香似梅知是西風要清
賞少留陰雨候晴開

次潘都尉富季申冬日探梅韻二首



江西詩派

暑退園林物物新過溪風好月初晨酒壺茶具備
宜坐細草殘花別是春但得主人令客醉不辭秋冷和
詩頻從來禮節空踈放見我狂歌意自親

開府新從日下歸却尋山水對煙霏剩披詩律留花
住不使親知到眼稀但見鯤鵬常遠舉應憐蜩鷃只
卑飛此游尚恨還家早禾許溪頭送落暉

次韻木犀二首

折送幽花與做秋溪頭風物未重游已憐多病逢三
益更喜成詩擬四愁

洛陽車馬走塵埃一歲顛狂自採梅還識此花風味
否年年秋後兩番開

謝潘義榮送菊二首

經旬霖雨足莓苔忽喜雙盆送菊來已似風霜憔悴
損主人云是待晴開

漸開粉白間微黃肯與新橙一例香送與衰翁元未
稱且留青藥作重陽

畜犬

主人長年閉柴戶終日閉錘云伴我懶常有跋扈志
端如在籠鶴又若伏櫪驥舉首望道路久欲從此逝
恨無陸探微寫此師子戲如何尚搖尾更作求食計

疥

刺刺齷齪欲作今年去年只如昨人生縱病莫病
此此病雖微更作惡寒窓夜長燈燼落敗人禪觀妨
人樂安得壯士挽天河盡洗此瘡閑處著

潦倒

潦倒心猶在衰遲分獨深如何一朝淚空費百年心
好月思同步清樽懶獨斟惜哉王子敬誰復歎人琴
贈人

它年好兄弟見我嶠南時相對能忘病清言可療飢
後生寧復有末俗漫相疑尚想閑居處踈燈守破帷
無題

疾病侵凌我亦衰後生誰復更相知可憐日落長安
路不見驂騑整整轡時

寄京口使君

使君鎮京口隱若一長城詩律有同社溪山聊主盟
賢聖塵不掛念鷗鳥自忘情曾記貧交否襄頽判此生

再贈

婺女勝京口公來歲已秋閑雲出山寺好月掛星樓
往事付情話故人多倦游十年浪奔走今日爲公留
贈友

子來已冬深僅得數夕欸寒窻聽談道未厭白日短
從來不飲酒萬事付茗盃別去今幾日荒堦月猶滿

歲暮

歲暮少權愉况復嬰病苦閉門每厭客幸此連日雨
寒爐火復熾乃若相媚嫵披衣坐壁角妙處時一睹
風聲耿初夜有句或未吐還書問故人可復一笑許

戲成二絕句

老讀文書懶不前亦無餘地可逃禪閉門省事群囂
遠唯有狸奴附日眠

病犬虺隤唯附日懶猫藏縮尚逃寒寧知兩馬霜風
下更有長途不道難

久病二首

久病畏人事長閑增道心寧貪風日好不避雪霜侵
跼躄身猶在高低手自斟酒盃休厭蒲茗盃向來深
未愈俱生疾空懷宿昔憂時因發孤笑尚足慰窮愁
月落初無念花開不自由如何鴈南鄉不共水東流

偶作二絕

不嫌羸病守繩床世念紛紛久已降一夜月明如白
日驟聞急雨打天窻

膏火從來只自焚何曾野鶴駐鷄群如何死亦無公

論地下猶存衛府勲

謝滕尉送梅

破帷冷落不禁風疾病深藏稱懶慵忽有梅花來陋巷喜聞春信出初冬未須趁雪爭先覩尚恐衝寒不滿容會約君家好兄弟他年尊酒更相從

遊山

世味日可厭茲游那得忘稻田疏宿雨木葉犯新霜潦倒交游在追隨氣味長僧窻有淨供茗盃侑爐香

李丞相挽詞三首

舊學邈難繼相期從少年初看驥伏櫪遽作鶴冲天

烈士平生志高名萬代傳如何事未濟此老下黃泉兄弟俱英妙聲名萃一門論才無不可於道獨為尊未定千年策終嫌萬丈渾天平乃如此不使拯乾坤事業懷蕭相曾襟識謝安流風有餘烈士只長歎淮海他年竭冰霜此夜寒向來交友淚南望不曾乾以一縑寄范四弟

中原厭胡馬所至是賊窟念君室懸磬何以備倉卒窮冬霜雪繁欲救乃無術兒號君莫厭婢怨君莫恤平生師顏子於此見髮髯此縑君所知自我機杼出

江梅

江梅消息未真傳微露芳心几杖前不信冰霜能作
惡要令桃李便爭先斜枝似帶千峯雪冷艷偷回二
月天準擬從君出城去竹輿仍勝百花韉

鼓山頌法眼語在裏即求出云大家合眼跳
黃河戲成四韻奉答

合眼跳黃河未有過得者豈惟不能過身亦須判捨
告君過河妙止要具船筏乘時等風去過此無別法
夜深歸家聞鄰家小兒讀書可喜有作

還家更寒三鼓餘鄰巷小兒猶讀書侯王將相乃無
種紈袴綺襦寧似渠北風颼颼霜被草聽汝讀書聲
轉好莫言翁媪惜膏油有兒如此可無憂

梅花

野花依城竹映沙江梅開處又人家天晴徑欲花前
醉只恐衰顏不稱花

無題二首

德盛不狎侮玄談多類俳居然少莊語無乃近齊諧
恨此達者趣猶乖壯士懷故當先復禮方得盡梯階
聖學邈難繼斯文當望誰還能養志氣且務攝威儀
曾子但三省子長徒愛竒從來要功處本不在多知

贈李元亮之子季子

往時諸李在江都文采風流一代無每得清詩如鮑
謝已聞前輩許封胡好松久已埋深澗老馬今猶憶
舊途令子相逢初未識尚容衰晚見規摹

二月七日與群從遊陳氏園

平居羸病每相妨今日尋春有底忙何似主人常不
出看人衝雨度浮航
橋北橋南花亂開小園和雨掃莓苔不嫌拄杖衝泥
入更許乘閑着屐來

懷許子禮

寒松馱庭院老馬倦維繫愴然出塵去粗免朝多急
我友隔湖嶺尚作一日葺平生學道心擇善有固執
豈不在行路自遠霜露濕百川灌河來砥柱乃中立
何時一樽酒更與交舊集

雪

窮巷無人對雪小詩自可逃禪看取一年三白喜歡
共入新年

堅坐正宜養病開門便當幽尋一夜雪深一尺與誰
取酒同斟

報暉庵

寸草仰生活春暉常照臨不知欲報德何以見此心

江漢有時竭此心無淺深魏氏有令德傳家非獨今
結庵在山阿日瞻松栢林仁風被遠邇猛獸不敢侵
令子守直道意往無崎嶇遂令此鄉人得聞金玉音
我行時序晚回望西山岑延頸長太息聊爲純孝吟

贈莊季裕

老矣莊夫子居閑肯厭貧盛時更讀易憂道不無人
記往詩猶在相逢意倍親尚期香火社文字約遺民

李尚書挽詞

李氏三吳秀尚書一代英立朝惟直道守已但純誠
報國心雖在憂時病已成人推四兄弟氣壓百公卿
未就養生術獨收強諫名傷心舊遊地城郭漫溪聲

李器之履齋

人履履險巇君履履平地平地信可履行穩居亦易
責已不責人爲道不爲利孰視履險者豈不心有愧
君家天台守學固有餘味微言化子姪自足警一世
初無舉足勞寧有半途滯君能識其然我亦從子逝

野寺

曉窓日未融野寺雨欲作經旬少客到靜坐差可樂
平生遭病擾今更不如昨囊空畏高醫何以致良藥
所行秋已至所在身可着洗耳聽涼風不待一葉落

辛酉立春

中原擾擾尚胡塵，堅坐江南懶問津。
漫讀舊詩如昨夢，都疑往事是前身。
子桑自了經時病，原憲長甘一味貧。
剩忍雪寒君莫厭，土牛花勝已迎春。

雪夜

破屋除燈雪自明，案頭無用讀書聲。
老慵已慣跣趺坐，昏夢尤便松竹鳴。
知有故人來問道，久無佳句與尋盟。
明年更有閩山興，但辦行纏莫計程。

謝方倅惠炭

寒壓新春雪不融，布衾如鐵坐衰翁。
煩君又送南山炭，更放殘爐一夜紅。

即事四絕

老來於世轉無求，事業聲名種種休。
伴得鄰僧忍飢慣，閉門無飯讀春秋。

忽忽和夢別星樓，擾擾隨緣住信州。
尚笑長江少方便，只交溪水暫西流。

問卻尋花懶不知，登山臨水病難爲。
日長客去松陰靜，強課兒曹學和詩。

經旬却怕酒盃深，野寺鐘閑病至今。
莫謂閑居歇醫藥，未妨隨證檢千金。

贈人

中表多離隔情親子獨賢心遊衆目外氣出萬夫前
米賤猶堪飽官閑不記年春風上巖瀨爲我略回船

辛酉之冬周提宮陞惠竹隔

深冬坐窮閭未厭風日惡今晨起濃陰正恐雨雪作
故人憐我寒垂意到丘壑虛堂排竹牖已覺煖勝昨
初無穹窒勞漸有閑適樂我生甚易足所至況旅
泊不爲禦冬計敢復備墮擇偶蒙仁者念僻處未蕭
索從今作新年對酒且斟酌

計一作具

寄張仲宗

聞道張夫子今年已定居偶緣荔子債遂絕故人書
歲月足可惜溪山莫負渠它年得相近不必遠庖厨

周仲固尚論齋

周侯不出何所爲閉門讀書心自知簞瓢陋巷君不
厭讀書萬卷能忘飢上叅羲黃下秦漢采取英華
幾脫腕是非榮辱姑置之勿若乘船到彼岸古人之
學有傳授君生寂寞千載後問君何以識古人袖手
無言坐清晝以此讀書爲尚友是事渺茫人信否人信
不信君不問松栢固難生培塿朝來落葉滿荒城青
山照人溪水橫往來車馬作塵土想君深夜讀書聲

吉州段秀才粟菴

大千非有餘一粟豈不足須彌納芥子豈復論盈縮
今君住世網何以得此獨始知陋巷居已悟不遠復

復一作

自如齋

朝爲事所奪莫爲飢所驅不知六合間何人能自如
永新段夫子屋小有餘教子有家法逃禪猶作書

醉經堂

紛紛入醉夢一語令渠醒段子閉門居云何猶醉經
其醉蓋非醉初無能解醒問經何所說明善故能誠

題焦寺丞詩冊三絕

一世奔波在別離君家孝友獨天知己令好夢傳消
息更有賓鴻効羽儀

路旁來報定何人物理潛通自有神想得三衢相見
地至今草木亦長春

河朔家人墮渺茫江南風日正舒長已知原上鶴鷓
處更入雲間鴻鴈行

曝物

曝物看日景頃刻未嘗停隨景移曝物目視令心驚
寓此不停景乃復望長生忽忽駒過隙悠悠池汎萍

況茲兵火中而每疾病嬰野寺過毒暑旱氣浮高城
出門君莫厭宿昔已秋聲

次葉守喜雨

群賢寂寞已收聲預怯秋房獨夜情忽聽僧簷鳴
宿雨定知田舍舞安甯盡消積暑經時旱不厭新涼數
日晴更喜此邦賢太守樂爲詩頌教諸生

無題

學詩漸老轉銷聲末路蒙公此日情尚有文章能起
疾豈惟田里解蚩氓近郊秔稻成秋熟遠郭溪山入
晚晴剽繞長廊和新句不知庭下薄寒生

次韻曾宏甫木犀

風吹旱暑未成秋辜負江村事事幽巖桂敢煩先
折送好詩仍不待邀求自憐疾病常高枕坐想風流
換此州它日出門尋舊約未嫌踈懶作人不

贈鄭侍郎二首

便欲深居過一寒破窻重覓舊蒲團莫年生活如
何做子細煩公指示看

幾時不過西禪寺直自初秋到晚秋聞道主人憐我
病天寒猶未送新筍

東萊先生詩集卷第



東萊先生詩集卷第



江西詩派

次曾宏甫九日韻

僧園恍色散，酒鷄強起新詩整。復斜正想故人披宿霧，忽念家住句沈昏。花舊曾游往往違，心事老病昏昏漫。歲華幸喜宜陽一樽酒，且來占占雨又晴雲段。

九日贈曾宏甫一絕

茶花過雨一分香，山後山前已帶霜。何事更教離數株，菊已將青藥赴重陽。

漸退中原胡馬塵，溪山未厭往來頻。雖無名酒酬佳節，尚有新詩答故人。

送徐止秀才歸小葉

後生少知慕子學，有根源紛然衆說中。獨識孔氏尊古人，雖不作此理，固常存。嘗言無津涯，豈言泉水。鑒明不受垢垢，亦無痕。一選詩師友，當自得其明。躬行見日用，餘事六論文。

次葉守韻

新正無所爲，出立亦乘興。欲尋林泉幽，不避風雪迸。搜腸乞佳語，分外若貧屢。或知藜藿菜，不受珍果食。清詩沈病目，鄙陋知不稱。披雪見新月，乃悟本來性。溪山沉蕭灑，復有松竹映。何須待醇酒，然後有醜。

送曾宏甫知黃州四絕

兩餘天氣欲嘗橙栗可煨炮芋可羹正是一年秋好
處忍令無酒送君行

口脣白醖未嘗開正始餘音挽復回他日鑪香為誰

起公曾親見了翁來

宏甫頃常為諫
議陳公所知

君到江頭不問津雪堂草木幾番新一生未得文章
力要掃中原胡馬塵

騏驥徐行不離群却行江北訪斯文潘何子弟能傳
業當奉遺書與使君

題范才元畫軸後

昔年同過嶺南州曾看湘江萬里流妙手可傳詩外
意亂雲寒木更孤舟

送尹少稷賢良還懷玉山

青松在庭檻乃受衆目憐念彼歲寒姿肯爭桃李妍
不如卧澗壑歲久霜雪前尹侯東州英烟若珠在淵
避地走南荒因循留瘴煙歸來懷玉山草草屋數椽
深居絕萬慮讀書欲忘年偶出到城市頗厭塵囂煎
搜腸出妙語贈我以長篇行潦被注挹朽木煩彫鐫
紛紛車馬間孰能知子賢別歸值短晷肯復更留連
我老百事廢鈍馬難加鞭清霜粲屋瓦白雲常在天

悵望子所居欲去無因緣

寄題曾黃州重修睡足齋

雲濤際天江北路郡古人稀春復暮平生想像睡足
庵頗見王杜安身處十年兵火庵已壞草莽連崗穴
狐兔使君初來席未暖重就新齋立窓戶踈踈脩竹
帶泉石歷歷幽花點煙霧竹樓月波不寂寞雪堂東
坡復共住昔者同遭盜賊擾今者定蒙神物護使君
忘言坐搔首抖擻衣襟脫巾履下簾高枕百吏散一
任江頭風斷渡會思王杜與新詩夢裏相逢得奇句

重陽前一日作

涼風策策旁江城道路猶寬遠去程秋晚情懷常索
漠夜長更漏轉分明未償臍腹三年艾不負膏油二
尺檠明日黃花一尊酒苦思親舊與同傾

春晚

春色忽已晚悠悠留此心深居有閑暇令節廢追尋
更老愁何在長貧病亦侵一盃聊自勸不爲落花斟

寒食二絕

梨花雪白柳深青也似中原舊驛亭猶記往來寒食
下客房無酒卧空餅

今年春物更匆匆野杏山桃取次紅底事無錢作寒

食可無新語記車公

白樂天與河南尹詩云明朝欲出須謀樂不泥車公更泥誰

閑居即事

耕舊畝晝寂不來略無一事可縈懷
春風寂寞花侵路野寺荒涼草上堦
剩欲出門留客坐不妨扶杖看僧齋
無人會得龐公意只道淵明是匹儕

偶出謝客

才過清明日更長竹輿頻出度浮梁
雨侵田水連溪白春入山花帶蜜香
數有故人相勞苦不嫌俗事且窮忙
今年尚有湖湘興不待秋風便促裝

蔬食三首

殺物以活已肉食固多慙況無一事勤
敢於滋味貪今晨病少間調羹有酸鹹
居然飽筍蕨自足慰清饒磨刀向猪羊
渠有千種苦厨人盡心力博汝一笑許
此道在忠恕觀彼更觀汝聖人雖未言
寧可自莽鹵夫子釣不綱於理已不隱
浮屠斷食肉此語說始盡人生慣便習
奉法乃不謹要當守淡薄萬事可堅忍

戒殺八首

勸君勿殺犬犬有爲主心爲主反見殺
君何無淺深君貧犬不去君富犬分憂
執以付鼎鑊於君心穩不畜犬被縛時
猶爲主人吠吠聲未絕口湯沸毛已退

主人調醢鹽欲以作滋味持此望身安世間寧有是
犬雖有小過未至不得活賣錢與屠宰使得恣鬻割
君兒小不安君夜不得眠何獨於此犬如此安忍然
勸君勿殺鷄鷄能伺昏曉聞鷄君即起一一家事了
一朝被身煮不念前日功主人取暫飽鷄苦固無窮
縱犬使殺鼠鼠窘生百畏其飢使之出此亦有何罪
犬鼠俱勿殺莫計有無功苟以無功死還與殺犬同
願君普斷殺能益君壽數子孫亦長年皆以不殺故
君子遠庖厨非有意於善但能觀自身此理即可見
商臣殺其父身亦身楚國世民殺其兄亦未妨大福
以此知報應未必在此時此時雖無他終久君試思
虎狼非不仁天機使之然蛇虺肆百毒此亦受之天
願君勿憎怒憫此心謬用仁氣苟薰蒸終皆變麟鳳

寄祁居之

苦憶均陽祁處士只今全是住庵僧何時更得相從
去細話叢林舊葛藤

送韓念八迪功

君去留不得我行還未忙漂零更遠別衰疾且深藏
野水千山綠荷花一路香猶思往還地相望隔浮航
請上人清湍亭

道人結庵殊未就先起小亭山左右不將溪水濯塵埃且以清湍爲客壽雲煙晦靄作春濃草木堅枯辨秋瘦客來相對兩無語豈有浮辭問時候一生行脚如夢覺天意似於君獨厚我今留滯未得往想像此亭如故舊再三伸紙誦清詩已勝開尊飲醇酎上人錄寄他時有暇更分題此遊未落諸公後

送韓臨亭提舉

君有千里行我獨留此居君行赴何許沅江隔重湖我留此山中欲去尚躊躇沅江道里僻罷民待君蘇君亦憐其民溼沫勤煦濡涼風促君旆小雨膏君車漸去囂塵遠及此夏景初野色望行路東門初首涂風土日已好誰能懷舊廬舉手謝拘束有若縱壑魚路逢舊交游相見問何如道我且貧病因風時寄書

和伯少穎迂仲將歸福唐偶成數詩欲奉寄無便未果也辰叔常季南還因以奉送

紛紛走道途擾擾雜泥滓旣爲風俗移又以血氣使百川灌河來夫豈有涯涘故人林與李始可與語此方子獨立士德順歲莫亦深居林李從之游欲出更躊躇紛華晚不顧浮湛同里閭時從陸丈人共此一

篇書

諸公皆從
陸亦顏游

閩山固多奇閩士亦多傑弱水不勝舟有此積立鐵
胡劉守節意亦豈待言說原仲致中堂堂混眾流此固不
得折

經時望子來尉我終歲病西行道路迂欲見復未定
秋毫論得失此豈不有命嘗聞安身要其本在無競

王輔嗣卦解云安身莫若無競修己莫若
自保守道則福至求祿則辱來實法言

才叔策名時已自能不動中年謫南荒與世作梁棟
生平所踐履自待九鼎重失固不足言得亦何所用

才叔諫議張公也初
登科時已無喜色矣

送范才元

胡塵犯中原冠蓋走東南同時辟地人十不存二三
相逢各衰病豈復能清談君今尚行役未暇脫征衫
聲名自宿昔文字性所耽誰能隨少年下筆令人慙
並海雖名邦嗜愛殊酸鹹君但撫罷民未須嚴轡銜
開堂宴賓客清詩消半酣時寄荔子來尚能憐我饒
自餘君不問只向鼻端參

贈魏邦達張彥素

公更深居我更衰山林膏壤偶同時兩年疾病略相
似二老風流應自知苦學養生猶有累不知閑過是

無為初冬寄遠無他物半夜才成一首詩

送南上人

閑居病益侵俗事初一掃南公犯寒來為我略傾倒
論詩已得妙不必在窮討我懶百慮廢識子恨不早
歸途見徐董明叔更問此二老所恨聊復翁向者骨
已槁彥速拭目看遺文令人惡懷抱南上人收二董時與明叔墨妙甚富

贈曾吉甫

荒城少還往居處喜相近欣然得一笑渠敢有不盡
詞源久欲竭此道或少進作氣在一鼓軍士况未慙
涼風動高梧塵土朝作陣臨溪惜暫別溪淺雨復吝
豈無一言贈以當百鎰贖沉綿我未瘳行李君更慎

贈魏邦達張彥素

橘綠冬未黃菊老霜變紫不知風土佳但覺日月駛
閒居得養疾調氣實在此從今便休去敢復為物使
誰能明吾心旁邑有君子

次韻汪教授木犀

治藥呼醫懶出門每聞樂事漫消魂秋花帶雨寒由
在老病尋詩目更昏但見晚霞翻雨脚不知山石是
雲根主人有意留巖桂要使貧交奉一尊

送詹懋秀才

千來今幾時歲月忽已晚今當別我去道里初不遠
家山霜正濃馬草寒更短何以奉親懽一笑和氣滿
邇來游學士已見如子罕讀書要躬行俗事不厭簡
故鄉多老儒歸日正可款時能寄餘論尚足起我懶
兩州多使人自可數往反

靜軒

紛紛逐人行擾擾與事競不知一世間能得幾人靜
公今默無語種種以靜勝人來漫相接事至聊復應
開軒道院房足以補我病日高公事散轉與靜相稱
千載師蓋公此理久已證爐煙裊晴窻松聲韻鍾磬
簿書勿勤來公方在禪定

贈吳周保

舊琴無譜亦無絃子獨深求不計年正以安閑有餘
地不因言語悟先天論詩再到新刪後讀易仍窺未
畫前老病相逢聊一笑非關無地可逃禪

尹穡少稷方齋

人圓君方君但方鑿圓枘方君不忙富貴可取君則
忘閉門讀書聲琅琅舊書重疊堆在床點勘同異分
偏傍運精竭思心力強十年足不離僧房荒山野路
秋水長客雖欲來嫌路妨幽蘭無人爲君芳采菊落

英充餼糧客雖不來有餘香

送義先上人歸古田

斷雲流水去無蹤
回望關山指顧中
何處尋君問消息
古田南路已春風

送范十八

范子閑行定不窮
袖中詩卷敵清風
野僧道士有餘意
同學故人多近功
已辦辛勤十年讀
時須談笑一尊同
相看又作韶州客
却望臨川是夢中

徐師川挽詩三首

江西人物勝初未
減前賢公獨為
舉首人誰敢比肩
時雖在廊廟終亦返
林泉今日西州路
臨風更泫然
異日逢明主端居不復藏
一心扶正道極力拯頹綱
已病猶軒豁臨衰更激昂
始知操韞處餘事及文章
念昔從者舊公知我獨深意
猶如昨日愛不減南金
撫事思前作於時媿夙心
素琴理舊曲無復有知音

即事六言七首

老來與世相忘尚喜攤書滿床
憶得少年無事苦心更學文章

少年於世無求老覺心情自由
放倒文章事業追隨倦鳥虛舟

不入樂天歡會不隨淵明酒徒看取簞瓢陋巷十分
晝夜工夫

百壯艾能已疾一盃酒便生春熟睡覺時意思罷
勞歇後精神

游夏一辭不措非關未究源流直自孟軻沒後無人
會讀春秋

養生不能延年忘言未是安禪聖學工夫安在重
尋曲禮三千

畢竟學書不成誰道能詩有聲點檢平生交舊幾
人曾是同盟

揚雄

讀易先知未畫前聖人何事絕韋編始知楊子多
閑暇更有工夫草太玄

嚴君平

千秋蜀道一君平氣象從來不近名可惜下簾無
一事才將老子授諸生

賈誼

孔丘墨翟並稱賢始信先生學未專何事退之傳
此謬亦將餘論點遺編

晉二絕

紛紛禮樂付浮埃一取玄虛禍始開但見出三巨齊老
易始知胡馬不虛來

晉朝朝士安知禮盡出紛紛篡盜餘漫使當時辟世
士放言高論祖浮虛

畜犬雪童黠甚勝人壬戌夏暴死作詩傷之
它生與我有微因來見防家最後身共在世間均是
夢未應心境不如人浮雲婁變本無迹义路多歧莫
問津此後窮愁走南北更誰隨馬踏埃塵

伴我走道途真前無葛藤三年貧病裏幾度送亡僧

又作二絕

荒山古寺欲黃昏梁上諸君欲到門雨濕雪童埋
處土向來精爽更誰論

客至書來總不知都緣邇日吠聲稀蛛絲網遍常行
處猶道奔逃未肯歸

秋日

禦盜犬新死放生羊尚存有書消永日無客到衡門
山色熱猶好溪流雨不渾還須止雜念數息度黃昏

懷雪童

老來於世漫多悲夢幻推移且自知想得開山藏骨
處却如搖尾乞憐時送行識我貧無蓋閑坐思渠悶

有詩從此窮居添寂寞夜長誰復遶簾帷

印事

異事成閑歇出遨故人不見如曹逃一寒一暑便衰
老如夢如幻無堅牢客游衮衮漫南北往事悠悠增
鬱陶此去還能安坐否割雞元不用牛刀

念舊

俛首思疇昔常期不負渠事隨新境轉人與舊時疎
少日猶相憶多年遂絕書沉於生死臨無復似平居

和汪教授

羨君須作綠坡竹飯飽哦詩聲徹屋閉門不出動經
旬坐看禪房花柳簇却記冰霜動地時半夜小園風
折木一尊相對任濁清三徑雨行濕松菊長篇短句
動盈軸想像清香有餘韻君何以得此妙亦潤只
綠山有三我窮猶敢和君詩不留和氣曠曠屢搜尋
險韻少工夫敢與諸公鬪遲速

癸亥歲正月二日

閑居是因循所至漫冬夏今年忽六十稍覺日有暇
孔子曰大聖未害六十化同時遽伯玉亦豈出此下
莊周與惠施初未識此話何因為此語百世呈縫罅
不如姑置之以俟一戰霸

孔子六十時入耳心則通所造不可知誰能強形容
當世設梯級聊發百世蒙如何陋巷顏年少兩頰紅
出門請從之便欲齊此翁心知路不遠試用一日功
還家對篋瓢此士正不窮

寄蔡伯世李良宇

兩君羈旅官西蜀我亦江南住僧屋想像平生肺腑
親晴天何處飛黃鵠庾郎故是豐年玉道兒更是見
不足藜羹脫粟有餘味富貴薰天果非福死生契
闊今誰在往事悠悠陵谷改他年乘興下瞿唐見我衰
頹莫驚焉怪別尋好語和君詩償盡平生難韻債掃
除塵土更焚香下酒如今有鮭菜

贈魏承事

雨漲溪渾欲斷橋水鄉風物轉蕭條煩君下筆留
春住令我寒窻不寂寥

四十餘年別歷陽崔白游如夢費思量眼明見此老
居士聽話崔白游如到鄉

送魏縣丞之官餘杭

君去我逾靜我病君得知如何便相遠未有再見期
溪橋已春晚紅紫久離披初無一尊酒慰君別後思
君才則甚長所用無不宜但當斂光芒匣劍深藏之

初非擊刺用肯顧庸人嗤平生富事業餘事尤長詩
當官儻見念琢句敢嫌遲上以寄難兄下以愈我飢

葉尚書普光明庵

日月豈不明明乃有昏晝四時所出火更自表新舊
寧知普光明亘古不傳授獨照萬物表不見所成就
遠乃包須彌近不閒圭竇茫茫濁水源我此明亦透
尚書所居庵草木甚癯瘦收藏萬丈光斂退著懷袖
至寶久不耀却萬夫後我願從公游昏病方待救
先持此微言遠寄為公壽

焦復州惟正寄鼎復兩州喜雨詩來以近體

詩一首寄之

聞道復州賢太守只如前在武陵時相逢未說為州
樂所至先傳喜雨詩行比曾參仍不魯

焦君居家以孝友名政

同龔羨遂更何疑懸知此去長閒暇定是愚民不忍欺

送范十八還江西効白樂天體

與君此別重依然再得相逢又幾年無使令人言長似
舊况教人道不如前窮通軒輊皆由命貴賤高低揔
是天只有脩身全屬我少遲留處便加鞭

晁公詩九經堂

人家有屋但堆錢君家有屋定不然一堂無物四壁

立六藝三傳相周旋人言君貧君不顧以此辛勤立
門戶聖人遺意要沉思暫脫楚騷辭漢賦他年相
見問何如且說九經得力處

送瑞印上人歸福州

不須布鞵與行纏參得諸方五味禪散盡白雲覓
明月虛空只是水中天

東萊先生詩集卷



東萊先生詩集卷
明月虛空只是水中天
不須布鞵與行纏參得諸方五味禪散盡白雲覓
見問何如且說九經得力處
門戶聖人遺意要沉思暫脫楚騷辭漢賦他年相
立六藝三傳相周旋人言君貧君不顧以此辛勤立



東萊先生詩集卷第二



江西詩派

尤美軒在玉山縣小葉村喻子才作尉時名
之取歐陽文忠公醉翁亭記所謂林壑尤美
望之蔚然者後數年舊軒既毀復作寺僧移
軒山下汪聖錫要詩叙本末因成數句寄之
茲軒在何許遠在洞巖側洞巖山水勝自與塵土隔
天以奉幽人寧肯媚過客尉曹昔吏隱到此若有獲
名軒曰尤美盡去眼界窄坐令歐陽公餘意轉明白
車馬走道路我久度此厄茫茫六合間於此有安宅
軒雖有成壞山本無異色舉頭見林壑不必更遠索

金谿董需彦光凌岑庵

我為江南游衰病轉不堪往來信撫間未上凌岑庵
凌岑賢主人清峻如山巖避事若荼苦守貧如薺甘
平生好交游十不存二三令弟又繼往世不聞清談
高風故絕俗想像令人慙浮生有欣戚此味久已諳
請君但高枕客來睡方酣茫茫歧路間與渠為指南
乘風本餘事不向鼻端參

盛華彦光丘壑軒

盛侯少時偉儀觀下筆不休人共歎曾中別自有丘
壑萬里溪山藏几案往來車馬鬧泥土盛侯何嘗著

眼看較量今古攷同異，抖擻曾襟別真贗。今朝示我
故人詩，老病窮愁得消散。故人相繼在鬼錄，君雖獨
存飽憂患。且住溪南數間屋，坐穩不憂時節換。人言
丘壑殊不惡，君守一丘只如昨。文章老健氣如虹，不
向山巖何處著。

送晁公慶西歸

頃從君家諸父遊，談經語道久未休。死生契闊風塵
起，往事追尋三十秋。疾病衰頹且深坐，喜見後生勤
勝我。臨行索我送行詩，短句長篇無不可。少見學問
要躬行，世人營營勿與爭。閉戶忍窮心自樂，簞食瓢
飲殊不惡。紛紛得失誰厚薄，得此失彼莫籌度。

曾吉父橫碧軒

巖壑等山林，此理久未盡。君今住世網，於此已自信。
僧居隔長溪，屋古柱礎潤。不知市聲遠，但覺山色近。
開軒有餘地，草木當夏閏。一身船轉頭，萬事燼落燼。
譬如癢在體，搔抑吾已認。青山故在眼，已絕封閉吝。
悠然有遐想，此語君所印。

送邢道州趙邵州歸湖南

相逢不得款，柰此離別何。長涂已新秋，從此風雨多。
欣然出殘暑，如鳥離網羅。我獨此淹留，衰病日婆娑。

跂足望二子洞庭秋始波道州通家舊口辯如懸河
邵州我表弟玉也保不磨無由得相就相近日經過
黃塵翻馬足未暇眄庭柯何時寄書來與我消睡魔
天涼不飲酒爲子一高歌

送方豐之秀才歸福唐

我居江東惟信之州子來自南而與我游問其所友
一時之秀其兄韞德亦既有就子學既立子志甚遠
何以終之止在不倦貧賤勿厭自然無悶富貴勿羨
害德之本彼古之人能聖與仁我胡不能歎其絕塵
今子歸矣歲亦有秋何以告子惟聖之求水流有源
木生有根惟源與根入德之門求聖根源惟正之守
正之不守棄師背友絲毫之僞勿萌於心無有內外
亦無淺深由此則聖舍此則病是以君子所守先正
干以贈別亦以自警爲別後思且以三省

向郭武挽詞

耐官丞相後世固不無人位下能安命身閑不厭貧
還能死異域便足繼前塵此日何山路空悲草木新

向簽判母挽詞

懶作塵寰住虛隨雲雨仙人皆欽懿範天不予長年
室靜如歸隱心安勝學禪傳家有令子尚得慰重泉

贈眼醫張子驥郎中

人生所有疾萬種皆眼病由眼不能明故視有不正
指白以爲黑遠邇皆未定如何少翳膜遂失本來性
今君有妙手與世脫機穽病雖有多端但以一理勝
不須望竒功藥病自相應吾觀世間物唯眼爲至淨
不容著纖毫况復計少剩自古大醫王其治有捷徑
不能添汝明但要除此證鏡有塵故昏塵本不在鏡
塵去鏡自明豈必與物競皎潔玉壺冰澄澈秋月瑩
坦然望長途欲往不待倩其說甚易知在汝聽不聽
請君明其然說法我已竟

送晁侍郎知撫州

與君相從四十載老病昏昏君不怪交游大半在鬼
錄一時輩行惟君在前年簪筆侍明光論議風流傳
梗槩邇來同住此荒城笑語瀾翻絕機械薄酒重尋
它日盟新詩未了平生債今君奉詔作鄰郡共喜朝
廷有除拜定知惠政及斯民一洗從來州郡隘甕頭
春色早晚孰遠寄還須例霑丐爲君試草德政碑
蕭何自昔文無害

晁留臺劉夫人挽詩三首

自昔聞諸父文章漢兩京

原父侍讀貢父舍人夫人詩父也

風流傳

壺範烜赫振家聲睦族今無匹能書舊得名如何
江左郡今日望銘旌

故家劉與魏我亦忝姻親

夫人劉姓魏出也

久矣思前作居

然愧後塵遺芳接博史舊德見夫人悵望鵝湖路
新年草木春

留臺無恙日樂善出誠心文采不復見聲名空至今
半生資內助三歎有遺音撫事思前輩於誰覓斷金

贈鄭侍郎

鄭公一勺酒時與故人傾況茲沖和天草木日向榮
山茶逞獨艷著意呈軒楹坐中四五客還來尋此盟
主人久未厭頻得倒屣迎燒燭夜照花知公有餘情
清歌洗浴耳軟語令心醒豈伊鶴頂丹獨自能傾城
要令同二妙相伴作三英紛紛桃李花開謝略不停
誰知此深院別有高世名我老百事廢對此眼暫明
還家不能寐起坐數殘更明朝有新句更欲煩公聽

送宗紀上人歸福州

道人海上來訪我江外寺春風吹行李飄搖不得住
手中主人書足下千里路臨行請一語懇款過外慕
人生未入道所至皆旅寓急參庭前栢會取未後句
相逢與相別惟此是先務

郡會分韻得蠻字

柳外高樓四面山使君携客共躋攀塵埃不動日方
永桃李無言春自閑未厭簿書時到眼每逢詩酒亦
怡顏夜闌一倍園林勝尚覺清歌欠小蠻

郡會賞牡丹分韻得裳字

敢辭深坐嬾衣裳便欲追陪恐病妨小戶常憂勸酒
滿短才仍怯和詩忙牡丹花在逢寒食群玉山如望
洛陽不是使君尋舊賞更無人會憶姚黃

次蔡楠韻

交舊悠悠西復東建昌南望水連空蔡侯念我有
新句猶似灞橋風雪中

送王提舉赴淮東 七首

君爲千里行我此一室住清風隨畫舸已過江北路
君如暑伏冰所至自清靜脩然接新秋已復天地性
隨行萬卷書旣足以自娛因知君所樂不在使者車
入門雖多塗其究有安宅君能識其然一語在物格
學道貴積習天地故相似不容有私心毫髮在曾次
海陵我舊游歲月亦已久不知兵火後尚有昔人否
官閑有新作寄我莫憚遠兼書海陵事令我開病眼

送財用歸開化二首

年來相聚欲無言，懶說諸方五味禪。
所恨歸程太匆遽，不收吾骨瘴江邊。
疾病支離欲著牀，爾來殊不負秋陽。
頭童齒豁西風裏，尚費芸簾一炷香。

謝范子儀見寄因次其韻

疾病深藏一事無，眼從昏澁廢看書。
清詩忽覩驚人句，遠道如瞻使者車。
頗放溪山時入座，不妨賓客醉騎驢。
傳家事業風流在，早晚還朝得盡摠。

謝周侍郎送木瓜

染以猩猩血，緣以刺繡紅。
天生此碩果，似是百果君。
杯槃快先覩，便足張吾軍。
雅宜椽燭照，正合侑金樽。
環橙與大柑，其從蓋如雲。
我病日已衰，故人時見存。
晨興有奇事，此果蒙先分。
緘見珍異坐，使童僕奔把玩，不去手。
舉室生清芬，所恨茅屋底著此，太不倫。
瓊垢未足報，拙句聊相聞。

謝幽巖長老送荔枝二首

年來疾病日衰頹，咫尺閩山嬾便回。
不是幽巖老尊宿，更無人寄荔枝來。

荔子蕉乾久未嘗，今年霜下始聞香。
幽巖闊略庵前事，容得先生爲口忙。

撫州俞隱君挽詩

臨川俞處士獨擅隱居名
懶倦不復出風流聞後生
自甘長寂寞肯作太鮮明
松柏新阡路傷心秋後聲
贈汪信民之子如愚

四海同門一信民
近淮來往七經春
生平坎壈不如意
死去聲名多悞人
漫以文章付兒子
略無毫髮仰交親
請君但自傳家學
陋巷簞瓢莫道貧

謝曾台州送梅

不辭深坐轉衰頹
養病仍無酒一杯
尚喜故人相勞苦
臘前先送一枝梅

甕間吏部久不見
江東步兵那得知
故人憐我太寂寞
莫一枝梅送兩篇詩

送范子儀將漕湖北五首

君行欲何之
乃在湖水北
湖水多郡縣
使者易為德
其民淳而古
其吏朴以直
官閑足賓客
歲稔少盜賊
得君清靜化
用教不以力
但自養根苗
勿苦厭蠹蟻
許昌無事時
地固多英豪
况君忠宦子
譽望素已高
讀書不出戶
俛首自作勞
脫身走江南
始為時所褒
每念其先人
水靜絕波濤
時從文字嬉
餘事及風騷
忠宣在朝廷
每欲消黨與
以我廣大心
畫使變齊魯

同門有不察平地關豺虎君言住許昌閉口不復吐
靜思前人意皆是神所許自守泥塗間肯復計齷齪
令兄守家學曰自文正始惟一小卑小官至死而後已
其間有富貴乃是偶然爾人欲學古人豈不識此理
奈何默身默口不成就已君今久蹈之可為吾輩喜
我懶言事廢詩吟六全舊知時蒙寄書來索我送行詩
我詩老益思久為人所嗤君獨不見鄙論相不奉肥
送君湖上去無事滿山薇時應有佳句尚足尉相思

梅花二首

白玉花頭碧玉枝水邊籬下雪晴時暗香別有關情

願却是春風去得知

占得先開一不待春風食雪虐且精神老人不是尋花
看要與尊靈洗世塵

周示終鄉心小語已齊

為腹不為口貴久不貴速人百求其餘我獨心易足
人皆重外慕我獨慎一獨閉門想顏子默坐相運逐
壽夭有定分單瓢乃其福修身雖多塗要在不遠復

送程伯禹歸心梁

不見程公二十年前上饒相遇各華顛平生氣節吾先
立老去安閑我未然即看歸來上廡廟未容休歇住

林泉飽山閣上憑欄處合得逍遙第一篇

疾病因循懶出門茅簷終日坐昏昏雨聲點滴松藏寺人迹稀疎犬吠村時得使君相勞苦勝於書札問寒溫只應此去添憔悴又欠先生酒一尊

寄題王珉中玉通判夢山堂

青山甚不遠每因塵事踈百念攪曾次豈知山有無君無適俗韻常似山中居出處本無二夢覺固不殊不知此山堂始往從何途未嘗走道路亦不用舟車溪流與山色相對若有餘此地甚閑曠如君心地初行雲映遠樹中有此田廬如今遂安處始驗實不虛得非神所相無乃道力扶親朋在左右不待折簡呼往來一笑樂勝有十輪朱何須從范子辛苦泛五湖亦不學沮溺遠迹斯人徒從容萬事表在我不在渠欣然理前夢已勝在華胥

去冬以紙衾遺劉彥冲劉有詩來謝以二絕

句答之

初無一物獻高人紙被封題意却真想得蒙頭忘百慮滿山風雪自成春

錦繡堆牀已不宜芬芳淑郁又成癡心知此被無他巧能與山翁換好詩

送曾季直下弟歸臨川二首

老病侵凌重別離
爾來瘦欲不勝衣
信州城北荒山寺
兩送親知下弟歸
曾子不愁歸泥路
臨行索我送行詩
頭童齒豁衰頰甚
不似京城相別時

送趙十一弟之官南安守

君爲千里行
我有一罇酒
把酒持勸君
欲以爲君壽
南安傍庾嶺
瘴癘亦時有
德人固天相
和氣生戶牖
斯民得安樂
如我屈伸肘
居然變遠俗
共感賢太守
我病居上饒
忽忽歲月久
杜門百事廢
亦復厭奔走
得君暫相從
感嘆成皓首
頗念河朔時
相從誦詩否
人生只此是
不必更抖擻
有便即寄書
頻來問衰朽

寄劉彥冲兼寄胡原仲劉致中

故人別去兩經冬
今歲書來第幾封
正以空疎少製作
不因窮約廢
過從養生漫說終
難效學道無心亦未逢
若問真歸是何處
五更常聽寺樓鍾

去歲嘗以紙被竹簡遺劉致中後爲大水所漂致中有詩以二絕句答之

念君無愛亦無求
一室惓然冷欲秋
尚恐深居有餘念
更將衾簡委洪流

紙被公無笑
不才兩公相繼有詩來
五更睡足天昏

黑也似他人錦繡堆

吳傳朋游絲書

君不見往時文學顧八分中郎之後典刑存又不見
先朝文惠書堆墨大榜濃雲照南北未似只今上饒
守靜寫游絲不停手非煙非雲斷復續緩步徐行不
拘束斷崖一落千丈滑遠望筆行如一髮鬼神竭力
覩不見鐵礦消亡鋼作線線舞飛揚不自由縱橫自
在勝銀鈎知君此意非安排妙處不從筆下來心凝
形釋萬事去信手却立無纖埃滿堂回頭莫見猜我
自悟此忘曾懷操舟相馬在事外顏氏識此由心齋

東萊集

如君下筆少有意錦繡寧不悞剪裁君惟無心故若
此秋毫自可纏風雷鍾王斂手謝不敏長史懷素慙
衰頽病夫睹此心目開向來窮愁安在哉

東萊先生詩集卷第二



